

親友探監。亦以刑期之長短而定。輕罪每星期一次。少重者每月一次。最重者二月一次。通信亦然。且輕罪人繕發之信。不用檢查。則以每星期一次。拘束其自由。而以不用檢查。保全其秘密矣。該監另有一部拘禁幼童。專禁十二歲以上十五歲以下者。參觀時計有七十五人。在課堂上上課。且用音樂以間之。投幼童之所好也。

監門首另有一古刑陳列處。見舊時殺人機及犯人烙印之鐵。斷手之斧。又有一木中穿小孔。兩旁繫皮帶。犯人有喧嚷者。則以木塞口。而縛皮帶於頸。其他鐵鍊鐵條鐵球鐵鞭鐵架皮衣皮帶之屬。種種酷虐刑具。皆羅陳之。比自獨立以來。即廢止死刑不用。而犯罪之統計。轉較英法爲少。亦可見防止犯罪之法。斷非武健嚴酷所能勝任。而當從根本上之風俗教化著想。爲治之要。固在此而不在彼也。彼以感化爲姑息養奸者。其亦勿之深考耳。

又有附屬之小監獄。一部分專禁婦女。婦女之犯罪者。以墮胎爲多。離婚之案則甚少。且亦甚難。離婚之婦女。在社會上亦頗不名譽。比國事事摹仿法國。有小巴黎之目。法國崇天主教。夫婦止可別居。而不得離婚。婦女好自由。多不喜育子。故有墮胎之惡習。此則與中國婦女絕異。蓋亦風俗傳染之亟待改革也。此監不輕許人參觀。題名簿前年止一人。去年止二人。今年亦止一人。連本次王君等前往。則本年亦纔第二次

耳。

### 梁任公在上海總商會之演說

姚詠白筆記

(未完)

今晚承南北兩市商會諸君歡招。實覺光榮之至。因吾國全國商業。以上海爲總樞紐。而南北兩市商會。尤爲上海商業之總樞紐。今日有機會得與可代表全國商業之重要人物歡聚一堂。詎非最榮幸之事。啓超自問。於商業上毫無學問經驗。實不敢於諸君之前。表示意見。但既承寵召。姑將平日所最希望者一二事。略爲陳述。以當座譚。倘亦諸公之所許乎。啓超於最近一二年來。常有一種非常感慨之事。其事維何。即歐洲戰事是也。蓋自歐戰發生以來。世界各國經濟上。惹起非常之變動。其影響之所及。國際上遂發生絕大之關係。吾人所目覩者。一爲美國。一爲日本。美國距今四十年前。資本人才。無一不仰給於外國。至近二三十年來。各方面進步雖速。然終不能脫離債務國之地位。今乘此歐戰機會。遂一躍而爲世界之大債權國。今後歐洲無論何國。經濟上之勢力。恐不能與美國匹敵矣。更就日本而言。日本政府四十年來對外負債之額本甚鉅。而此二年以來。其對外之債權。幾可與其債務相殺。不但此也。日本四十年來。國際貿易。無年不輸入超過於輸出。而今年上半年。則輸出超過之數至一萬八千餘萬之鉅。日本銀行準備金。增加至六萬萬元有餘。由此觀之。可知歐洲戰事。乃自有天地

329 18 以來所未有之好機會。以中國地大物博。平日苟有些少之準備。則數十年來通商上之損失。何難趁此機會。全數恢復。而不料其結果適相反。上而政府。下而人民。不但不能得歐戰之利益。而且反受歐戰之痛苦。豈不可慨哉。蓋政府日以借債爲生活。今因歐戰之故。外債不易借入。則苦之。商民則因歐戰之故。或苦於金融之緊迫。或苦於貿易之困難。即使有一部分商民。因歐戰而獲利益者。如顏料銻鑛等是。然以國家全體經濟上觀之。區區所得。何足償其所失。況此種小利益。亦非因平日有準備而來。不過偶然得之。彼當局者。且不自知其所以然。故並此種偶然之小利益。亦不甚可靠。卽如今年銻價大跌。業此者。或因而受損失矣。夫吾人遇此千載一時之機會。而不能得些少之利益。天下可歎之事。孰有過於此者。今此種最好之機會。行將過去。不能復來。悔已無及。今後吾人更有一極大危險。橫亘目前。不可不特別注意者。卽歐戰了後。各國必將竭其全力。以冀恢復其戰時經濟上之損失。此時吾國經濟上。又不知要受多少壓迫。吾人若不及早預備。力求自衛之策。則此時之痛苦。更有不可言狀者矣。夫吾人遇此好機會。不但不能得利益。而且反受痛苦。究其原因。自不得不歸咎於政府。因政府不能幫助商民。以致有此惡果。雖然。此事全諉其責於政府。亦非持平之論。蓋事有非政府幫助不可做者。亦有不待政府幫助而亦可做者。政治不良之結果。各種阻力誠有之。然亦

直非政府之力所能阻者。故政府誠不良。而商民自己亦須負一半之責任。今試以日本比之。日本人有一種特長。不論政商界學界。凡先輩對於後進。皆抱有一種虛心。先輩自知學識不足。常能以先輩之力量。援引後起新進之士。以資贊助。就政界言之。彼維新元老。自知自己學問智識。不足以應時勢之要求。於是竭力設法。提拔新人才。補自己之不足。故政治日有進步。學界亦然。日本人先輩。本皆深信漢學。後知僅僅漢學一項。不足自立。乃採用西學。以補不足。而學問遂大有進步。商界亦然。彼日本之資本家。常不以目前自己之地位爲滿足。於是日求新法。以擴張或改良其固有之事業。彼三井三菱岩崎大倉古河等諸大資本家。皆非近來新起家者。彼等皆明治初年時之小資本家。當時財產不過數萬乃至數十萬。但其眼光遠大。知與外人通商競爭。墨守舊法。必至失敗。於是力求改良。或派遣其子弟留學外國。或聘請國內專門名家。使爲己助。利用世界最新之智識技術。以擴張或改良其固有之事業。故能收莫大之效果。現在日本後起資本家。固亦甚多。但實業界之中堅人物。仍不能不推少數老輩資本家。蓋非無因也。吾國政治學問實業不能進步之原因。實在新舊睽隔太甚。卽就政治上言之。如袁世凱時代之復古主義。又如前清諸遺老之頑固。皆足爲社會進步之障害。然彼等自身。卒亦因此而失敗。蓋爲老輩者。既無獎勵後進提拔新人才之意。於是後輩對於老輩。亦以老朽

32919  
目之。無可希望。無可依賴。其結果乃釀成革命。政治如是。實業亦然。夫吾國商人。本來具有特長。外人亦屢言之。如尙信用崇節儉。皆爲吾國商業上固有之美德。加之以多年之經驗。今日所以尙能立足者。蓋全恃乎此。然現在世界交通便利。商務上之競爭日烈。一切情形。與閉關時代。迥然不同。僅恃此數點。而無專門學問智識以補助之。實不足以圖存。譬如有一物產焉。爲全世界之所無。則此種物產。當然可以獲大利。然吾素未研究。不知此物之性質用途。待一旦需要大起。方知此物之可貴。然又不知其需要所起之原因。則何能居奇操勝哉。我國老輩商人。大半恃一己之經驗以起家。以爲吾生平未嘗有專門學問智識。何以亦能手創如許財產。可知經商何必學問。彼爲子弟者。亦以爲吾祖若父。並無專門學問智識。亦能手創如許財產。經商何必學問。因有此種觀念。故一切事業。不復更求改良。此卽所謂保守性質是也。吾國數十年來。皆爲此保守性質所誤。彼外人經商技能。日新月異。而我則故步自封。毫無進步。以此與人競爭。譬如戰爭之時。孤城自守。雖能苟延殘喘。而早晚必有破城之一日。苟長此以往。勢不至驅全國人民盡爲外人之勞働者不止。言念及此。曷勝悲觀。然吾人更就樂觀一方面言之。我國地大物博。未墾之地。未開之礦。以及未興工業。不知若干。人口繁衆。物產之需要甚多。勞働之供給又便。苟能利用。非無補救之法。但補救須有補救之能

力智識方可。否則仍屬空言。根本補救之法。仍在各個人之自奮。不可常存依賴政府之心。即使政府有多少障害。儘可設法排除之。則自己可以有爲之餘地尙多。啓超商業上知識甚淺。何者可爲。不能具體指出。但其重要者。如金融機關一項。亦多有發展之餘地。現在上海錢業。雖亦不少。然勢力之大。終不如外國銀行。不知者以爲外國銀行之資金。皆自倫敦巴黎運來。孰知皆是吾中國之存款。以自己之武器。假手於人。而受其操縱。豈不可惜。現在一時與之競爭。雖覺不易。然若能急起直追。尙多活動之餘地。譬如各幫商人。若能各組織一有力之銀行。以供給本幫商人之資金。吾恐猶覺應接不暇耳。惟現在凡百事業。非有大資本則不能與人競爭。而大資本則斷非個人之力所能及。於是公司之組織尙焉。然以前辦公司者。多半失敗。因此人人。一聞公司二字。便有戒懼之心。以致大資本之公司。不易組織。要知以前公司失敗。非無原因。一則向來辦大公司者。往往爲官場中人。卽非官場。亦常有官場之臭味。夫營業機關。一帶官場氣味。未有能辦得好者。所謂當局不得其人。此失敗原因之一也。欲補救此弊。尙不甚難。但以真實商人去辦。公私二字。分得明白。屏除從前一切惡習。便可杜絕此弊。此外更有當事者雖極熱心。欲將公司辦好。而因自己能力智識之缺乏。或管理不得其法。或組織不能完全。以致失敗者有之。此乃失敗之第二原因也。欲補救此弊。則須

32920  
從收用新人才上入手。去今年二十年前。新人才或不易物色。而今則外國留學畢業。成績良好者。不乏其人。此種人才。政府方面。既不能一一用之。苟社會方面。能設法羅致之。使在實業界活動。則最新之智識技術。皆可應用。自然可與外人競爭。或謂此種學生。學問雖好。經驗毫無。何能遽用。不知經驗非生而有之者。苟予以相當之習練。數年之後。經驗自富。譬如某家子弟。其所學為銀行。而成績甚好。則為先輩者應幫助以資本。為之組織一新式銀行。俾得盡其所長。以效力於社會。則數年後。彼等於金融情形既熟。經驗自富。再過十年。且可推為銀行之前輩矣。總而言之。後輩新人才。欲以自己力量創辦一事業。實非容易。獎勵提倡。其責任全在於先輩商人也。銀行不過為商業機關之一耳。其他各種實業。無不如是。苟先輩商人。有此種計畫。新人才必益自奮勉。實業自能發達。日本之所以有今日者。因其先輩皆能注意於此也。今日商業上重要機關。如倉庫航路保險銀行等。其權皆操諸外人之手。苟不自振。吾國人似太無志氣。急起直追。是所望於商界諸先輩耳。此外商業上應為之事。如商業教育商務調查等。皆屬要圖。所謂商業教育者。非僅指商業學堂而言。凡關於商業上之演說談話等。亦教育之一種。例如先輩隨時以所得經驗教訓後輩。後輩隨時以所學之智識報告先輩。彼此交換智識。亦是教育之一法也。至於商務調查一事。尤為重要。啓起聞本商會已著手

於此。深為感佩。日本於二十年以前。在上海設創一東亞同文書院。此書院畢業學生。皆分路派往吾國內地調查商業。調查所得。編為報告。數年前日本出版之支那經濟全書。即此種報告彙輯而成。此書出版已有十餘大冊。以後尙須陸續出版。我國各地商業情形及一切統計。無不羅列其中。夫吾中國之事。外人竟費許多金錢。調查如此清楚。而本國人反茫然不知。豈不可恥。豈不可嘆。此種事業。非日本政府所能及。不過一日本公眾團體之所為耳。而成績如此良好。可知此種有益之事業。政府能去辦更好。即使政府不辦。人民自己亦可去辦。調查方法。最好須先將應行調查各項。編成詳細節目。然後列為表式。使各地逐條答復可耳。並不大需經費。但能多用一分力。便有一分效果。但必須有人負責任耳。上海商會辦理此事。實最相宜。若上海商會再不去辦。此外更有何希望哉。要之。現在中外商戰競爭之時。先輩商人。責任甚大。而上海先輩商人。責任尤大。此啓超所以不揣冒昧。敢於諸君之前進一言。以自述其平日之所希望也。

### 梁任公在上海南洋公學之演說

今日到此校演說。鄙人極有一感覺。蔡公松坡。實為此校前班學生。公之至此校。名諱非用鐔。乃蔡良寅是也。(查蔡公鐔即已亥年五月南洋公學考取外班生第六名蔡良寅是也。第五名